



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Cornelii Hazart Societatis Iesv Theologi Discursus
Morales In Selectiora Loca Genesis, Exodi, Levitici,
Numerorum**

Hazart, Cornelius

Antverpiæ, 1688

Ad Lectorem.

[urn:nbn:de:hbz:466:1-52700](#)

A D
LECTOREM.

Paucis te volo, *Benebole Lector*, priusquam hujus operis mei lectionem aggrediare. Scio non ignorare te tot propemodum esse Scripturam Sacram vel exponentium, vel interpretantium genera, quot liber ille divinus, non verba dumtaxat, sed etiam apices, ac reconditos potissimum sensus complectitur.

Pars eorum non minima hoc unum agit ut litteræ correctionem exteriorem discutiat. Pars circumlocutionibus, quas vulgo *Paraphrases* vocant, juxta litteram, textum elucidant: Alii denique, præmissâ ipsius textus, quoad sensum, interpretatione, quasi ex divite quadam aurifodina, sensus inde vel tropologicos, vel allegoricos, vel anagogicos, vel metaphoricos, vel morales eruderant.

Huic ego, in hoc opere, postremæ viæ insisto: Non expendo (nisi fortassis admodum raro) Scripturæ Sacrae verba, nec apices; non disputo de litterali sensu verborum, ne de novo agerem quod tot doctissimi viri ante me jam pridem egere. Hoc unum potissimum ago; Selectiora quædam loca, ut sonant, adduco, tum, quasi ex prævio quodam concessionis themate, varias inde veritates morales deduco, sed modo ac stylo obvio ac familiari, non longe quæsitâ, nec exquisitâ latinitate, sed vulgari: Existimo enim, sicut præstant naturæ forma fugo non eger, sic materiam excellentem per se, comptiori stylo, aut cothurnato non indigere, ne verborum elegantiæ plus tribui videatur, quam dictum substantiæ.

Quapropter moraliter sermocinaturus super libros divinos, qui hoc opere continentur, malui, communem In-

Ponendum post Titulum.

a

ter.

terprētum viam tenere , quam sequi vestigia Poëtarum ,
Historicorum, aut Oratorum, quibus curæ est heroica ma-
gnorum Ducum ac Principum facta describere, & laudibus
exornare: Familiaria vero, meo quidem judicio , sermone
familiari tractanda exponendaque sunt.

Habeo hac in re faventem mihi doctissimum illum Ro-
manum Philosophum *Senecam*. Sic enim primo audio illum
dicentem *Epistola 100: Fabiani Papyri*, inquit , libros legisse
te cupidissimè, scribis, sed non respondisse expectationi tux;
compositionem ejus accusas.: Mores ille, non verba com-
posuit, & animis scripsit ista, non auribus. Oratio sollicita
Philosophum non decet.

Non aliter scribit idem *Seneca Epist. 75:* Minus accuratas,
inquit, tibi à me Epistolas mitti, quereris, quasi sermo meus
esset si unà sedemus, & ambularemus, illaboratus & faci-
lis : Tales esse Epistolas meas volo quæ nihil habeant ac-
cessitum nec fictum : Quid sentiam, ostendere quam loqui
malo. Hæc sit propositi nostri summa, quod sentimus lo-
quamur, quod loquimur sentiamus; multum operæ impen-
di verbis non oportet. Non querit æger medicum eloquen-
tem, sed sanantem: Non delectent verba nostra, sed prosint.

Non poterat *Seneca* ad rem nostram accommodatius lo-
qui. Et hoc quidem te monitum volebam, *bene vole Lector*,
ne *Momus* aliquis, qui omnia carpit, vel *Zoilus*, qui omnibus
invidet, vitio daret quod laudem meretur, vel naufragaret
quod infirmo aut moroso non sapit ingenio, vel ne quære-
ret nodum in scirpo, dum opéris medullâ neglectâ, etiam
minimos apices carperet, si forte minus latini, aut verba, si
minus exulta, aut periodos, si minus concinnæ, explode-
ret. Ad Grammaticos tales remitto, ut isthic scrutentur, si
quid quod carpere possint, reprehendant. Nos versamut in
aliis, solidas merces, non scruta divendimus.

UTERE ET FRUERE.